

## Aktivnosti Vijeća učenika

Vijeće učenika je ove godine uzelo učešće u raznim aktivnostima koje je organizirao MREVUK u saradnji sa nevladinim organizacijama, Ministarstvom za obrazovanje, nauku i mlade KS, i drugim ustanovama, a u cilju razvijanja aktivizma kod mladih ljudi. Pored redovnih školskih sastanaka, predstavnici Vijeća učenika zajedno sa svojim drugarima imali su priliku da se stručno usavršavaju kroz razne seminare, radne sastanke, te da nova saznanja prenesu svojim vršnjacima na časovima Odjeljenske zajednice. Izdvajamo aktivnosti kojima su bili okupirani učenici naše škole:

- Mjesečni sastanci u Networksu, a povodom informisanja i savjetovanja u profesionalnom/ karijernom usmjeravanju ili nalaženju posla nakon škole/ fakulteta. Edukaciju su realizirali timovi ispred JU Zavoda za zapošljavanje KS i Udruženja Inkubator društvenih inovacija MUNJA. Učenici imaju zadatak da svoja iskustva prenesu vršnjacima na časovima Odjeljenskih zajednica. Predstavnici naše škole su učenice IV<sub>b</sub> razreda: Fatima Hasanović i Emina Pustahija.
- Naši učenici su učešće uzeli i u obilježavanju Međunarodnog dana srednjoškolaca.
- Predsjednik Vijeća učenika, Fatima Hasanović, išla je na dodatnu edukaciju, tj. trodnevni trening „Razvoj Mreža savjeta/ vijeća učenika“ koji je održan u hotelu Hollywood. Njena obaveza je da svoje kompetencije prenese na vršnjake, a posebno da svoja iskustva i saznanja prenese na budućeg predsjednika Vijeća učenika.
- Učenici Džanin Begović i Zerina Lačević prisustvovali su saobraćajnoj edukaciji koju je organizirao MONKS. Nakon dvodnevnog treninga u Šabićima, učenici su u saradnji sa prof. Esadom Karahodžićem i pedagogom škole Fikretom Žunić, prenijali nova saznanja učenicima III razreda na časovima Odjeljenskih zajednica. Prikazali su prezentaciju i film te dali savjete svojim vršnjacima.
- Vijeće učenika je organiziralo i dvije humanitarne akcije za učenika naše škole, a pored toga učešće su uzeli i u projektu „Jedno dijete, jedan slatkiš“ te prikupljene slatkiše donirali djeci koja su šticećnici Doma.
- Učešće su uzeli i u projektu „Jedan dan, druga škola“. U saradnji sa pedagogom škole, Fikretom Žunić, izvršena je razmjena učenika sa učenicima Gimnazije Obala. Učenici Gimnazije Obala imali su priliku upoznati se sa smjerovima i zanimanjima koje naša škola nudi. Cilj ovog projekta jeste i suzbijanje predrasuda o pojedinim školama.
- Predstavnici naše škole Omar Ali-Shanan, Berina Hodžić, Amila Bećirović, Bakir Ajanović imali su priliku učestvovati na prezentaciji projekta „Dan karijera“ koja je realizirana u martu mjesecu, u Prvoj gimnaziji. Cilj okupljanja bio je da mladi, uspješni i perspektivni ljudi iz Bosne i Hercegovine održe govore o sebi i svom uspjehu te na taj način motivišu srednjoškolce i primjerom im daju do znanja da je, uz rad i trud, uspjeh zagarantovan.
- Do kraja školske godine aktivniji članovi Vijeća učenika imaju obavezu da sva svoja iskustva koja su stekli kroz edukacije i treninge prenesu svojim vršnjacima. Predavanja, informacije i razgovori realizirani će se na časovima Odjeljenskih zajednica i sastancima Vijeća učenika naše škole.

Predsjednik Vijeća učenika: *Fatima Hasanović, IV<sub>b</sub>*

Koordinator Vijeća učenika: *Fikreta Žunić, pedagog*